



ГУЛШАН

(АЛДАНГАН АЁЛНИНГ АЛАМИ)

13.

У Тамара билан мусофирхонага етиб борганида окшом кўч ташлаган, йўлқалар хиёл гавжумлашган, бинолар пештокидаги нурли лавхалар "ракс туша бошлаган" пайт эди. Тамара ўзини бемалол тутиб, атрофига сохта бепарволик билан аланглаб чиқди. Бу орада мусофирхонанинг ойнаванд эшигидан ичкарига бош сукиб, дарбон билан ниманидир пичирлашиб олди. Кейин хадик ва тортинишдан талмовсираб колган Гулшаннинг ёнига келиб, давлат сирини айтгандай шивирлаб гапирди:

– Мижозларимиздан дарак йўк, бироз кутамиз... Кўнглингни хотиржам кил, хаммаси яхши кўчади. Биринчи овни ўзимга кўйиб беравер. Хали мазахўрак бўлиб колсанг...

Тамара гапини тугатмай, оёк остида ўралашиб юрган чумчуқларни чўчитиб, шараклаб кулди. Юрагига сигмаса хам Гулшан хоргин жилмайиб кўйди. Хаяжон ва кизикиш билан кутилган бугунги учрашув негадир унга завк бермас, калбида уялишга ва жирканишга мойилрок туйғу хоким эди. Аммо Тамаранинг кахридан чўчиб, ичидагини ташкарига чикармади.

Тамара деганлари ўлгудай мугомбир экан. Мавлоннинг сўнги ташрифини, шундан кейин Гулшаннинг кўчага кадам босмай кўйганини, ўзини анча олдириб сўлиганини – барини

пайкаб юрган экан. Ер тагида илон кимирласа билади-да, ер ютгур! Ўша куни кийшанглаб, захарханда кулги билан кириб келди:

– Ха, азачи хотиндай тўрсайиб ўтирибсиз, Зайнаб пошша? Нима, Отабегингиз Кумуш билан кетиб, гамга гарк бўлиб колдингизми? – дедию ўзининг ўхшатиши ўзига нашъа килиб, тиззасига шапатилаб, котиб-котиб кулди.

Гулшан жавоб бермади. Аммо Тамаранинг гапига жилмайиб кўйди. Эзилаётганини, дунёси коронгилигини сездирмаслик учун ўзини кўлга олиб, уни ўтиришга таклиф килди. У икки кўлини белига тираб, хона ичида айланар, хали у нарсага, хали бу нарсага кўл теккизиб кўрар, аммо огзи гапдан бўшамасди:

– Одам деган сал ўз кадрини билиши керак. Нима энди, биттаси ташлаб кетди деб, кўкракни захга бериб ётиш керакми? Эракк зоти ўлгур хар кадамда хиёнат киладию, нега энди биздан вафо талаб этаркан? Тупур хаммасига, бугундан бошлаб такдиринг билан ўзим шугулланаман. Шунака келишган, пулдор йигитларни топиб берайки, Мавлонинг хасаддан ёрилиб ўлсин!

Гулшан Тамаранинг бидирлашига жавобан:

– Кўйсангиз-чи, Тамарахон, – деди маъюс. – Унака дуч келган эракк билан апок-чапок бўлиб кетиш менинг кўлимдан келмайди.

– Ие, ие, назарингизда сиз покиза, вафодор хисобланиб, биз учраганга ўзимизни топширадиган жалаб бўлиб колдикми? Хали кўрарман, бирортаси билан таништириб кўй, деб ялинавериб тилингизни ялашингизни. Жа сиздакаларнинг кўпини кўрганмиз. Аввал шунака сиртига сув юктирмай, кейин бизнинг мижозларни хам тортиб кетади.

– Мен сизни айбламокчи эмасман. Хар кимнинг гўри бошка, хар ким суйган овкатины ичади. Аммо мен бу йўлга киролмайман.

– Вой-вуй, хали турмуш азобларини тортганлари йўк-да, Мавлон акаларидан колган кўр билан нозу карашма бўлакча. Итдай ишлаб, юз сўм маош олсалар, кўрамиз. Уни овкатга етказсалар кийимга етмаса, кийим олсалар болалари пул сўраб хуноб килса. Ўшанда ўзлари йўргалаб колармикинлар кайдасиз пулдор акалар, деб.

– Хеч қачон! Очимдан ўлсамам бунака килолмайман, – деди Гулшан кизишиб.

Аммо уч-тўрт кун ўтиб, Тамарага беҳуда катта кетиб кўйганини англади. Уни-ку, пулга мухтожлик кийнамади, оч-ялангоч колмади. Факат Мавлоннинг хўрлагани, хатто охири куни ҳам инсон ўрнида кўрмагани алам килаверди. Ундан ўч ололмагани, уни ўлдиришга қасд килиб, хатто ёлгондакам пўписа ҳам килолмагани газабини кўзгарди. Айникса, унинг хеч нарса бўлмагандай янги маъшука билан айш-ишрат килаётганини хаёлига келтириб, баттар эзиларди.

Охири бу ҳақда ўйламасликка қарор килди. Ер ютсин ўша кўрнамакни, хали Гулшаннинг тирногига зор бўлади. Гулшан шунақанги мацца килиб айшини сурсинки, Тамара ҳам ярим йўлда қолиб кетсин. Нима, унинг Тамарадан қаери кам? Хуснда ҳам, ёшда ҳам ундан бир поғона баландда. У шунчалик пул топяпти, демак, Гулшан ундан ҳам кўпроқ туширади. Хақиқатан, ишлаб нима зарил, қайси қорни тўймай қоляпти? Битта кизини боқиб олар? Хали уйини шунақанги безатиб олсинки, унинг олдида Мавлоннинг ўша миннатли уйи гадонинг кулбасидай бир пуллик бўлиб қолсин! Шунақанги қимматбаҳо кўйлақлар тиктирсинки, янги маъшуканинг ичи қуйиб ўлсин!..

У шундай деб хаёл сурардию, кўксининг аллақадан "сен бундай килолмайсан, кўлингдан бу ифлослик келмайди" деган қучсизгина садо эшитилаётгандай бўларди. Барибир Мавлонга ўчақишиш, унга қасдма-қасдга иш тутиш хисси устунлик қилди. Факат шу йўл билангина ҳумордан чиқиши мумкин. Мавлон ўзи "пуф сассик" қилган жувон ортидан не-не бойваччаю олифталарнинг югуришини кўриб, ёқасини ушлаб қолсин!..

Бугун эрталабданок Тамара билан икковлашиб биринчи "муҳаббат ўйини"нинг бутун иқир-чиқирларини, тафсилотларини роса муҳокама қилишди. Янги шогирдига ҳунар ўргатаётган устадай Тамара эрқакларни илаштиришнинг турли йўлларини Гулшанга эринмай тушунтирарди. Гулшан тўғри бораману, ёқтирган йигитимни эргаштириб, уйга бошлаб келаман, деб ўйлаган экан. Бу ишнинг ҳам минг бир йўли, сир-асрори бор экан. Тамара уларни бидирлаб Гулшанга уқтирарди:

– Биз асосан "Ором" мусофирхонаси атрофида "ов" киламиз. Чунки у ерга колхоз раислари, фабрика деректорлари кўп келади. Илло-билло ўзимизнинг хамшахарлар билан пачакилаша кўрма! Айланиб келиб таниш чикиб қолиши мумкин. Шляпа кийган, папка кўлтиклаганлардан узокрок юр, чунки улар жа миркурук бўлади. Ишни битиргач, уч сўм кистириб қочиши мумкин. Иложини қилсанг, ресторанда ўтиргандаёқ нархини келишиб ол. Хар қуни онабошининг улушини чўзишни унутма, йўкса, сени бу ердан четлатиб ташлашади. Қолган гапларни ўша ёқда гаплашамиз. Мелисани қандоқ алдаб ўтишни ресторанда тушунтираман...

...Тамара гапини хам тугатмай, секин Гулшаннинг бикинига туртди:

– Ов келди. Хов анови икковини кўряпсанми, молини йўкотган чўпондай аланг-жаланг қиляпти. Хозир ресторанга кириб жойлашсин, ортидан биз қирамиз.

Хақиқатан улардан ўн беш қадам нарида бири пакана ва бақалок, аммо пўрим кийинган, хушмўйлов, икинчиси аксига олгандай орик ва новча, костюми элвайган, кўринишидан соддагина икки киши ўтган-кетганга аланглаб, қимнидир кутишарди. Новчаси буркситиб тамаки тутатар, бақалок эса хар бир ўтган аёл зотининг орқасидан бақрайиб қараб қоларди. Шеригига нимадир деб, қорнини силқиллатиб қуларди. Улар бироз гаплашиб тургач, ичкарига кириб кетишди.

– Семиз билан ўзим гаплашаман, – деди Тамара. – Орик сал соддарок кўринади, униси сенга. Ресторандан чиққандан кейин хар қим ўз уйига бошлади. Аммо уйингда эрталабгача тунашига йўл қўйма, ишни битириб қолганга паттасини тутказ, мусофирхонасига жўнайверсин. Ха, иннайкейин, ўз исмингни айтма, гап чувалашади.

Икковлон ресторанга кириб боришди. Қулоқни батанга келтириб қуй янграр, унинг гумбурида узук-юлук гап, қах-қаха, идиш-товокларнинг тақир-туқури элас-элас эшитилиб қоларди. Тамаки тутунига болта осқудай. Хушрўй, бир хил кийинган, аммо бадфеъл махрамларнинг қўли-қўлига тегайди.

Кириб боришлари билан семизликдан жағи билан бўйни қўшилиб кетган ойтовокдек

махрам уларни мингирлаб карши олди:

– Кел, Тмарочка, настроениянг яхшими, бугун иш зўр бўладиганга ўхшайди. Курултойга келганлар эрталабдан босиб кетди. Ёнингдаги оппок кизни биринчи кўришимми?

– Ха, буми, оповсининг айшини хавас килиб, биззи хунарни танлади. Бугун кўрсин-чи, ёкармикин? Анжела, биззи хов анави икковининг ёнига ўтказ!

– Э, Тмарочка, улар гирт кишлоки-ку, нима маза топардинг, тўнкадай бўлиб ўтиришини кара. Иккита фирмачни кўз остига олиб кўйганман, машина олди-соттиси билан шугулладиганлар.

– Йўк, бугун бунакалар тўгри келмайди. Манови жонимни кўрkitиб ё хурkitиб кўйиши мумкин. Сал простойлари тузук!

Махрам уларни тўгри бояги эркакларнинг столига ўтказди. Аёллар нафас ростламай туриб, бакалок типирчилаб колди. Хар икки жувонга сук билан тикилди, негадир шеригига маънодор имлаб кўйди. Кейин ташаббусни кўлга олиб, Тамаранинг исмини сўради. Дарров танишиб олди. Бакалок Тошкўргонда колхоз раиси экан, шериги эса агропромда ишларкан. Бакалок сўзамолгина, кувноккина экан, дарров овкатга буюртма берди. Махрамнинг кулогига "конъякнинг зўридан опкелинг" деб пичирлади. У кетиши билан бежаё латифалардан бошлаб юборди. Шериги сал тажангрок экану, раиснинг хушчакчаклиги унга хам юкди шекилли, тамаки саргайтирган тишларини кўрсатиб кулишга тушди. Гулшаннинг тортиниб, гайритабий ўтиришга кўниколмай турганини сезиб, Тамара унинг оёгини босиб кўйди. Кейин новчага юзланиб деди:

– Кавалер деган хам шунака бепарво бўладими, жонидан? Рўпарангизга шундок парини ўтказиб кўйибману, мундай гапга солиб ухаживат килишни хам унутиб кўйдингиз-а!..

... Улар икки соатларда туришди. Гулшанга бир кадах конъякни зўрлаб ичришгани учунми, ё боя новча билан ракс тушганда оёгини босиб олудди, шунгами, харкалай мункиб кетай деди. Дарров новча унинг кўлтигига кириб олди. Бармоклари негадир

кўкрагини пайпаслар, ўзи ичимлик хидини буркситиб, кулогига тинмай "бугун бир меҳмон киласиз-да, оканг ўргулгур", деб гўнгилларди.

Уй олдида таксидан тушганда Гулшаннинг юрагига яна гулгула кирди: борди-ю, кўшнилardan бирортаси кўриб колса-чи? Шоша-пиша уйга кўтарилишди. Ичкарида новча уни беўхшов кучоклаб, сўлагини суркаб юзидан ўпди. Гулшан гаши келиб, уни итариб юборди. Гандираклаб деворга суяниб колди.

Чирокни ёкиб Гулшан кўзгудаги аксини кўрдию, яна жини кўзиди. Сочлари пахмайиб, важохати алвастиларга ўхшаб копти. Новча диванга ўтирди, костюмини ечиб, суянчикка ташлади, бир томонга пайпогини отди. Беўхшов тиржайиб, "келаколинг, дўндикчам, чирокни тезрок ўчиринг", деди.

Гулшан чидаб туролмади, хўрлиги келиб баралла хўнграб юборди. Унинг килигини кўрган новча ток ургандай, кўзини ола-кула килиб котиб колди. Кейин ўрнидан туриб бояги отиб юборган пайпогини кидириб топди. Уни шоша-пиша кияркан, огзи жаврашдан тинмасди:

– Нега йигига тушдингиз, хонимча? Ё пулини олдиндан тўлаб кўйишим керакмиди? Мен... бунака ишга биринчи юришим... Ўзи кўнглим чопмай турувдию, Махмуд ака марказда бир губорни тўкиб, мазза килиб кетайлик, деб кўймади-да! Ўзи бизга уйдаги беминнати тузук экан...

Гулшан унинг гапига кулок хам солмади. Шахд билан костюмини кўлига олдию, новчанинг башарасига улоктирди. Кейин тарс-турс юриб, эшик олдида борди. Уни очиб, новчага кичкирди:

– Кани бир нарса килиб кўймаганимда жўнаб кол-чи!

У костюмини бир амаллаб кийдию, эшикка караб юрди. Гулшаннинг олдидан ўтаётиб тўнгиллади.

– Тушунолмай колдим, ўзи ноз-карашма билан уйига етаклаб келсаю, хе йўк, бе йўк, хайдашга тушса! Эси жойидами? Эсизгина ресторанга тўланган олтмиш. Хотинга хиндларнинг жемперидан биттаси келарди-я!

Унинг ортидан Гулшан эшикни карсиллатиб ёпди, югуриб бориб, диванга ўзини юз тубан ташлади. Ўкраб-ўкраб алам билан йигларкан, ора-сира бебахтлигидан фигони фалакка чикиб қарганарди: "Ўзи азалдан толеинг йўк экан, Гулшан, йўкса шу кунларга қолармидинг? Агар эс-хушингни йигиб олмаганингда шу билан бошланарди-я, ифлос хаёт! Ох, фалак, мен бахтиқарода бунча қасдинг қўп?!"

(Давоми бор...)

Ахмад МУХАММАД ТУРСУН